



ДУНДГОВЬ АЙМАГ ДАХЬ
ТӨРИЙН АУДИТЫН ГАЗАР
АЛБАН ШААРДЛАГА

2018 оны 02 дугаар сарын 23

№ 01/57 АУА-2018/62/СТА-ТШЗ Мандалговь хот

Зөрчил арилгуулах тухай

Төрийн аудитын тухай хуулийн 15 дугаар зүйлийн 15.2.1-д тодорхойлсон бүрэн эрхийн хүрээнд Дундговь аймаг дахь Төрийн аудитын газрын 2018 оны үйл ажиллагааны төлөвлөгөөний дагуу Дэлгэрцогт сумын Эрүүл мэндийн төвийн 2017 оны жилийн эцсийн санхүүгийн тайлангийн аудитаар **6,256,470.00** /Зургаан сая хоёр зуун тавин зургаан мянга дөрвөн зуун далан/ төгрөгийн дараах зөрчил илэрлээ.

1. Батлагдсан жишиг хэмжээг мөрдөөгүй нийт 5,457,420.00 /таван сая дөрвөн зуун тавин долоон мянга дөрвөн зуун хорин/ төгрөгийн хүнсний материалыг хяналтгүй зарцуулсан.

Энэ нь Эрүүл мэндийн сайдын 2017 оны 2 сарын 23-ны өдрийн А/74 тоот тушаалаар батлагдсан “Хоногийн хоол хүнсээр авбал зохих илчлэг, үндсэн шимт бодис, аминдэм, эрдэс бодисын зөвлөмж хэмжээ”-г зөрчсөн.

2. Хоол хүнсний зардлаас 799,050.00 /долоон зуун ерэн есөн мянга тавин/ төгрөгийг шатахуунд зориулалт бусаар зарцуулсан.

Энэ нь Төсвийн тухай хуулийн 16.5.5 /батлагдсан төсвийг зориулалтын дагуу зарцуулах/ Сангийн сайдын 2014 оны 3 сарын 14-ны өдрийн 55 тоот тушаалаар батлагдсан "Зардлын эдийн засгийн ангилал"-ын /Хоол хүнс- хууль тогтоомжийн дагуу төрөөс хүнсний бүтээгдэхүүн болон хоолоор хангах үйлчилгээтэй холбогдсон /тухайлбал эмнэлэгт хэвтэн эмчлүүлэгсдийн хоолны зардал, сургалт үйлдвэрлэлийн төвд болон ерөнхий боловсролын сургуулиудын хүүхдийн дотуур байрны хоолны зардал, хугацаат цэргийн албан хаагч, сээсигтэн хоригдлын хоолны зардал, хил дээр ажиллаж байгаа офицер, ахлагчийн хүнсний хангамжийн зардал гэх мэт/ зардлыг энэ ангилалд бүртгэнэ. Энэ зардал нь тухайн байгууллагын үйл ажиллагааны үндсэн үзүүлэлттэй шууд холбоотой эрх бүхий байгууллагаас батлагдсан норм нормативын дагуу төлөвлөгдөж, гүйцэтгэл нь тооцогддог бөгөөд төлөвлөгөө болон гүйцэтгэлийн хоолны зардлын нийт хэмжээ нь тухайн үйлчилгээг авсан хүний тоотой шууд уялдан байна./ гэж заасныг тус тус зөрчсөн байна.

Төрийн аудитын тухай хуулийн 15.1.12-г /Аудитын явцад илэрсэн төлбөр, зөрчлийг барагдуулах акт тавих, албан шаардлага өгөх, хууль тогтоомж, эрх зүйн хэм хэмжээ тогтоосон бусад шийдвэрийг боловсронгуй болгох саналыг холбогдох байгууллагад тавих/, Монгол Улсын Ерөнхий аудиторын 2014 оны 138 дугаар тушаалаар батлагдсан Төрийн аудитын байгууллагын ажилтны нийтлэг эрх, үүргийн тухай дүрмийн 2.2.3-г /Төрийн аудитын тухай хуулийн 28 дугаар зүйлийг хэрэгжүүлэх хүрээнд төрийн аудитын байгууллагын ахлах аудитор, ахлах шинжээч, аудитор, шинжээч нь аудитын явцад

илэрсэн төлбөрийг барагдуулах, зөрчлийг арилгуулах зорилгоор төлбөрийн акт, албан шаардлага өгөх/, Монгол Улсын Ерөнхий аудиторын 2016 оны 09 дүгээр сарын 09-ны өдрийн А/95 дугаар тушаалаар баталсан Төлбөрийн акт тавих, албан шаардлага өгөхөд баримтлах журмын 4.1.3-д /Төсвийн хөрөнгийг үр ашиггүй, зориулалт бусаар, батлагдсан хэмжээнээс хэтрүүлэн зарцуулж, Төсвийн тухай хуулийн холбогдох зүйл заалтыг зөрчсөн/, 4.1.5 /Байгуулсан гэрээ, хэлцэл мөрдөж байгаа хууль тогтоомж, дүрэм журмын шаардлага, нөхцлийг хангаагүй/ заасныг тус тус үндэслэн ШААРДАХ НЬ:

1. Батлагдсан жишиг хэмжээг баримтлан зарцуулалтыг хийх;
2. Зардлыг зориулалтын дагуу зарцуулах;
3. Албан шаардлагыг хэрэгжүүлж, биелэлтийг аймгийн Төрийн аудитын газарт 2018 оны 03 дугаар сарын 25-ны дотор албан ёсоор ирүүлэхийг Дэлгэрцогт сумын Эрүүл мэндийн төвийн төсвийн шууд захирагч Д.Лувсандагва, нягтлан бодогч Б.Ууганцэрэн нарт хариуцуулав.

АЛБАН ШААРДЛАГЫГ

ӨГСӨН:

АУДИТОР



Т.БАТСАЙХАН

ЭРХЛЭГЧ

ЗӨВШӨӨРСӨН:

НЯГТЛАН БОДОГЧ



Д.ЛУВСАНДАГВА

Б.УУГАНЦЭРЭН

¹ Акт, албан шаардлагын биелэлт хангаагдаагүй тохиолдолд Төрийн аудитын тухай хуулийн 28 дугаар зүйлийн 28.2.2-д "Төрийн аудитын байгууллагаас тавьсан албан шаардлага, тэлбөрийн актыг цаг хугацаанд нь биелүүлээгүй тохиолдолд зөрчил гаргасан албан тушаалтныг үүрэгт ажлаас нь халах тухай саналыг төрийн аудитын байгууллага эрх бүхий албан тушаалтанд хүргүүлнэ" гэж заасны дагуу хариуцагч албан тушаалтанд хариуцлага тооцуулахаар эрх бүхий албан тушаалтанд санал хүргүүлнэ.